

師

律

師律卷之十六目錄

明弊第十六

小序

原弊

浮論

扇惑

欺玩

積蠹

擺邊

不信

通官

邊令

授官

速遷

武科

虛伍

營操

攻戰

招被虜

尅減

買閒

逃亾

怯懦

官軍戶

防陵

鹽徒

目錄

終

師律卷之十六

吳橋范景文質公輯

明弊

有序

一代制作必講求古今得失斟酌時宜而因革之其立法初未嘗不善也沿至日久奸生短智之士不察其積弊之本因以咎創法之踈豈理也哉夫本藏蝎則蠹巢宅虫則枯其勢然也今不去虫蝎而怪巢木之非良種可乎

高皇帝祖訓有曰。自古建立法制。皆在始受命之君。當時法已定。人已守。是以恩威加于宇內。民用平康。蓋創業之初。備嘗艱苦。閱人既多。歷事亦熟。比之生長深宮之主。未諳世故。及僻處山林之士。自矜已長者。甚相遠矣。其所爲勞心焦思。慮患防微。以求至當。然後著定律令。立爲家法。而俗儒多是古非今。姦頑刁詐之徒。專欲舞文弄法。亂我陳紀。壞我章程。致

祖宗建。制。微。意。一。旦。若。日。之。在。雲。羣。陰。趨。味。小。  
醜。兢。橫。要。亦。奉。行。者。不。忠。之。過。耳。故。未。明。其。  
利。先。明。其。弊。澄。彼。泥。滓。復。我。水。性。使。

祖宗深計遠略炳焉若大明之麗天而纖翳莫  
敢蔽也

括悉將  
賊源委

原獎

詔書歲數飭邊吏簡廉黜貪稽功核罪賞當罰  
公卽武夫悍將莫不凜凜奉法惟謹是宜革心  
易慮洗貪黷而還之廉潔矣顧習尚惟深則濯  
祓爲難參逐旣久則更轍未易上之求在此而  
下之求在彼督責愈峻而名實愈淆議論愈繁  
而勸懲愈悖斯何以說也夫體貌之嚴本以制  
驕悍也今自大將以下偃伏趨走不啻若嬰兒  
然旣足以耗折雄氣而又筐篚溢于充庭餽牢



豐于首路，拂息頻笑，皆係榮枯。如是則何以責廉文法之峻，本以申約束也。今幕府對簿功罪，掩于苞苴之盈虛，殿最視其問遺之踈密，甚或刀筆下吏，得謀奪裁抑之，而士不得不爭趨於其所重。如是則何以責廉古者閫外有專職，子奪不從中御也。今飭羔鴈於昏夜，借羽翰於簡書，少屬吹噓，謬張功伐，甚且立躋榮要，而寒峻羈旅，無不叩首受剉。如是則何以責廉古者將在軍，束矢脩摯而已。今載踵私門，資罄密地，締

交自內，乃借援於外，立名自西，實薦賄於東，甚則輿隸廝養，得以紹介而願使之矣。如是則何以責廉。古未聞有入貲可爲將者，今而賈人子，往往少斥竒贏，躡起行伍，而污官棄吏，昔蒙詬于籃籃者，更得耀寵於竿旄，又其下者，星卜優伶之賤，亦建牙一面，鼓唇舌而制介士之歿生焉。如是則何以責廉。倭餽庸流，本無籍於軍府，今自詞人墨客，下迨遊閒技藝，莫不倚邊境爲外府，規薦引爲胥篋，士非玉璧，談者爲價，雖羣

誹滿腹而莫適爲禦。如是則何以責廉夫是數者。上窮於求。有涸轍之憐。不得不假之以濡涿之澤。下窮於應。有漏卮之勢。不得不乘之以侵牟之姦。故列較之勾索於偏裨。偏裨非不知也。偏裨之需求于列較。大吏非不知也。勢有所激。極則上下啓相蔽之端。情有所牽。掣則臂指有相依之痛。奈之何不委鋒鏑之餘。而爲漁獵之資也哉。

浮論之弊

天下之事、慮之貴詳、行之貴力、謀在於衆、斷在於獨、漢臣申公云、爲治不在多言、顧力行何如耳、竊見頃年以來、朝廷之間、議論太多、或一事而甲可乙否、或一人而朝繇暮距、或前後不覺背馳、或毀譽自爲矛盾、是非淆于唇吻、用舍決於愛憎、政多紛更、事無統紀、又每見督撫等官、初到地方、卽例有條陳一疏、或謾言數事、或更置數官、文藻競工、覽者每爲所眩、不曰此人

有才，即曰此人任事，其實蒞任之始，地方利病，豈盡周知，屬官賢否，豈能洞察，不過採聽于衆口耳，比其久也，或并其自言者而忘之矣。凡事無全利，亦無全害，人有所長，亦有所短，要在權利害之多寡，酌長短之所宜，委任責成，庶克有濟。今始則計慮未詳，既以人言而行，終則執守靡定，又以人言而止，加之愛惡交攻，意見橫出，讒言微中，飛語流傳，尋之莫究，其端聽者不勝其眩，是以人懷疑貳，動見譸張，虛曠歲時，成功

此非全  
在  
力

難暗正端無用之虛詞求躬行之實效欲爲一  
事無奪二於可務求停當及計慮已審卽斷而  
行之可謂意宗二計並察雖百萬阻之而終不  
爲之略改月一人須慎之于始務求相應旣得  
其人則信而任之如魏文侯之任樂羊雖謗書  
盈篋而終不爲之動部院等衙門各宜仰體  
朝廷眷喜尚實之意一切章奏務從簡切是非  
可否須明白直陳毋得彼此推諉徒託虛言其  
大小臣工亦各宜秉公持正以誠心直道相與

以勉脩職業爲務，反薄歸厚，尚質省文，庶治理可興，而風俗可變也。

扇惑之弊

軍機重  
扇惑而  
詳言根  
本  
涼師

切惟禁門不許擅入者，所以防大奸也。左道邪術之有禁者，所以懼亂政也。故我太祖高皇帝於大明律及皇明祖訓，皆惓惓以致意焉。其慮深且遠矣。洪武永樂宣德正統年間，邪異之人，不敢輕至京師。近年以來，或扶鸞禱聖，或書符呪水，或燒煉丹藥，或假稱耳報，一切邪術人等，往往來京潛住，始則出入大臣之家，終則進入皇城之內，妄言禍福，扇惑人心。若



不嚴立重禁，何以警戒將來。如勅各該衙門、行  
令巡城御史、及五城兵馬司、并錦衣衛巡捕官  
較、嚴督地方人等，各于所管地方，逐一挨訪，除  
軍匠旗較、監生、吏典、承差、知印、天文生、陰陽生、  
醫士、上納糧艸之人外，若係邪術之人，不分有  
無文引，無故來京潛住，妄言禍福者，俱要趕逐  
出京，若有一月不出，仍前在京潛住者，捉送法  
司，問擬明白，軍發極邊衛分充軍，民發口外爲  
民，仍勅守皇城四門內外官員，務要用心

關防搜檢、但有前項之徒、及不係內府工作之役、擅入皇城者、就便捉獲具奏送問、如有故違、事發一體治罪、如此則邪術有禁、而人心不至于扇惑矣

欺玩之弊

先朝軍機法重邊官不敢欺蔽否則禍出不測  
今乃造爲活套規避任情巡撫將臣同然一律  
本屬陣亡而云回營身故本是敗失而云走死  
官馬襲殺老小而云入寇斬獲戎馬在門而云  
追襲出境殺掠至萬而不以聞連城陷沒而  
報無事死者含冤而不蒙恩生者憤懣而無控  
訴若不痛懲此弊賞罰何以得明賞罰不明則  
邊事未可知也必申嚴敗軍之法更爲欺玩之

例使將臣畏而懼敗敗而不敢隱則警聳之下人自求全遷事或可興矣夫是之謂懲欺玩嗚呼百步之矢激于寸括千鈞之運轉在輪今之論者孰不知巡撫將臣爲急哉顧言之不得行行之不得至苟簡因循遂至於此若非聖天子銳意講求大臣極力贊相必賞必罰一洗積習之弊則雖言官諤諤朝議諄諄而因循之根終不可拔苟簡之爲又復延蔓矣語云根本在朝廷此知要之言也

積蠹之弊

巧猾之弊何處無之。其在邊方則爲尤甚。蓋疆場之外防禦爲急。而刷滌弗遑。姑息爲多。而法網易弛。且恐招怨生謗。故皆熟視而莫之問耳。卽如邊士之擅殺降夷也。豈不沮歸附之心。墩軍之私易虜貨也。每至啓窺覷之覺。尅除糧餉。可憐寒餒之脫巾。攘奪首功。不免英雄之喪氣。盜賣以及虛出。則廩庾爲虛役。占而又買。閑則名籍徒具。軍地有清查之名矣。豪強占據而莫

師律

卷之十六

十

敢誰何屯糧有徵收之數矣官吏侵漁而無從  
對照其他百孔千穴蓋更僕未易數也合無許  
新任總督鎮巡等官盡將官府及地方中累年  
宿弊次第剗革無分官民豪右但一有沮撓聽  
指名奏聞以憑究治

總督鎮  
巡能矢  
平

今督撫  
鎮道以  
及倫理  
俱各宜  
內守其  
外守其  
善處  
審矣

擺邊之弊

夫練土著莫若先練邊軍當事者輒稱無兵可  
練非無兵也兵不聚也乃不得其所以分合之  
勢也何者兵有聚而爲正亦有分而爲竒茲其  
分也未嘗不可聚其聚也未嘗不可分若卒雜  
而不集兵合而不齊名曰自弱犯兵家大忌矣  
國家備邊東起遼陽西至甘肅十鎮官兵不減  
百萬今雖虛耗尚有六十餘萬若聚此六十萬  
衆訓練三年直犁虜庭搗其巢虜寧能我禦哉

九邊地  
遙分者  
其勢合  
者在各  
鎮自為  
合耳

緣此六十餘萬者散在九邊以一鎮言止五六萬有奇則此六十萬衆之大勢十分之矣又一鎮之中總督標下一枝若干名總兵副總兵叅遊各分一枝若干名又巡撫兵備各分一枝若干名近據總督都御史劉燾開稱該鎮在邊食糧軍六萬關營城寨三百餘處總副叅遊提調官不下百員一應防守坐墩哨報俱此六萬之衆則此六萬衆之大勢又零分之矣勢分而不聚則雖以六十萬衆全付一鎮暴師費財無所



用之。何也。素所不較之人。分數不明。先後不相及。衆寡不相恃。貴賤不相收。雖有兵與無兵。同故海防之敝。莫敝於擺海。邊防之壞。莫壞於擺邊。今擺邊密矣。賊每繇邊入。不亦崇虛文而招實禍乎。且各官既各分兵。而該鎮之兵。其強壯者。必先盡總督。次巡撫。次兵備。次總兵。次叅遊。是督撫哨下兵。必精壯者。不過擁以自守。而叅遊衝鋒殺賊之兵。又皆三選之餘。斯非以我下騎當敵上騎乎。每一鎮宜合一鎮所轄之兵。聚

高陽昔年督師關西卽用此法

爲一處擇一總兵官，久而任之，聚而教之，教以車戰、步戰、騎戰三法，爲督撫者不許擁兵一棧。臨時量留百名自衛，其見在標下兵盡發營中操演，其哨守探報，則就營中輪番差遣，務使上。有必勝之將，下有無敵之兵，教之三年，或五年，於是連此十鎮之兵聲爲擣巢之計，待賊之來，以戰爲主，令其大挫深懲，不敢側目南視，斯策之上也。兵力旣聚，訓練旣成，士卒不用命，主將不成功，則總兵不善操練之過，宜伏其辜。如是。

而邊防不飭者未之有也。

軍法不信之弊

古云軍容不入于國者蓋以臣于君側太屬威嚴則勢屬不可此蓋以國中而言若今教場卽闌以外將軍治之將在軍君命有所不受之地非國中也恨將帥者皆姑息成風寧上負吾

君而不敢下繩軍士使皇上今日不爲是舉雖日戮一將而求其法之行也亦不可得何者蓋輦轂之下人心易搖人言易惑萬使威行而搖惑一動而羣起非之不曰浮躁則曰激變當

是時竟無能爲當事之臣一引任其責無怪乎  
舊套活法牢不可破而軍中法紀盡以陵夷今

皇上旣不惜先勞而自任其事矣莫若再爲  
新其號令兵部當會同總協等官詳爲條例如  
後有玩愒驕慢者某事當盡某法當抵某法亦  
上請欽定爲例明使悉知當大閱一臨則  
將帥固當待罪而聽禍謫于君軍士平日亦當  
畏法而聽禍謫于將轉怠玩而爲嚴威此軍法  
之不可不急爲一定也

通言之弊

夫和而雖以羈專切防召侮於虜近限馬數定  
貨額亦替省侮費之微意但虜之來市或尚有  
肆侮之端者在疲馬強市也索貨減價也踰期  
始集也負役之應市或亦有召侮之端者在貨  
物粗惡也聽彼增添也低假轉換也夫來市之  
肆侮須振威明信以飭之應市之名侮須嚴法  
重禁以弭之額所以絕侮慢之原者實專在通  
官之嚴與不嚴蓋道虜人之貪慾以肆其狡泆

中國之情實以啓其爭者皆通事諸人爲之也

始以要挾峻既以酬謝索巧幻萬狀靡所不至

令無 勅行督撫於通事諸役務精選各員中

忠信膽略機智善言者充補盡革去平日之巧

幻壞事容遊鑽用者每遇使虜及通市時務先

期教習授以方略指以成算仍切切訓以隨機

不是故得

應變不負任使或和貢旣畢或一歲將終將通

官各役嚴加考覈如前所謂忠信可托者上也

而欺隱爲下膽氣足任者上也而退縮爲下智

忠信  
難于  
宜  
宜  
機宜

能察虜情形者上也。暗昧未得肯綮者爲下。言能折服犬羊者上也。支吾啓虜玩視者爲下。上等者重則增銜，輕則給賞。下等者重則刑責，輕則革退。屢次

三年督按題薦重加

錄用。庶令員役不誤邊訃而貢市可永矣。



邊令之弊

人心惟積固於金湯今邊民外則戕賊於強寇  
內則戕賊於功級望望焉同所控告彼固恨強  
虜之侵凌而亦未必不憤上官之未有以庇之  
也且沿邊之民往往淪入于虜本之征徭繁重  
而貪官虐吏又從而驅之於是漸謀向虜以爲  
休息之期及今不蚤圖之恐瓦解勢成其所勾  
引輪向不止沿邊一帶已也然早圖之者責在  
守令乃今沿邊知州知縣率多耄荒之人彼見

地方疲病，玩愒日月，圖爲歸老，百姓將何所瞻  
依也。今直邊方各府州縣，俱以進士往任之，令  
撫其瘡痍，問其疾苦，恤其孤寡，振其空乏，以安  
其生理。其被虜死亾者，非其父母子弟，則其宗  
族親戚也，則喻以復仇之義，發其怒敵之機。每  
及秋防，先時收斂，有村堡者，收入村堡，無村堡  
者，收入縣城，宣以國恩，撫以惠政，簡其強壯，  
懸以厚賞，示以方略，日夜淬礪，謀報其父兄之  
仇，以洩朝廷之憤。彼以青年茂才往，卽其地

又知其責之不容他諉，必將深思熟慮，求舉于其職，卽不能破虜，亦可以守城。夫禦虜莫先安民，此守令不可不慎選也。昔宋祁守定州，范仲淹守綏州，蓋務在得人，期以收拾民心，意正在此。如果撫恤旣勤，保障有効，撫按狀其異績，特爲薦揚，卽待以不次之擢。如此則旣安地方，亦所以歷練真才也。

重逸才  
儲邊才  
至計

鼓舞大  
權

授官之弊

語曰才難而濟變之才尤難必養之而後才可  
長重之而後才可出也今宜簡天下賢才聚於  
兵部添設侍郎二員必其素負經世之略而又  
有勵世之節者以居之凡居兵部堂上皆稱懋  
選也令其每歲帶司官二員巡歷邊塞如各鎮  
總督有缺卽以侍郎往代其任如吏部有缺卽  
以總督入代其任吏兵兩部互相出入以示隆  
重均節之意而他部不與焉至於兵部主事宜

每司添設四五員其員缺不輒陞授照依科道事例必遇缺五六員以上特爲題知或於五部司官內取其才思精敏器宇恢弘者調用或行取天下推官知州知縣考選陞授凡居兵部司官皆稱懸選也每歲各司各差一員從侍郎行邊如吏部司官有缺必于兵部曾歷邊者調用或仍以吏部調兵部亦互相出入而他部不與焉其陞遷與吏部等如職方郎中曾經考滿與防秋後果効有勤勞卽陞四品少卿何者吏

部易而兵部難吏部利害輕而兵部利害重也  
如此則養之日久待之既隆於邊關要害邊情  
虛實得以熟諳入兵部則居懋選之科出兵部  
又有大任之責有抱負者將樂爲朝廷用此  
諸養真才之策也

邊政之  
聚此者  
最先

速遷之弊

夫從任乃求治良法其在邊防尤爲先務何者  
邊防之壞久矣乃各邊都御史見其事之難任  
往往日冀遷轉得以去其地爲幸又或日招彈  
劾得以去其地爲幸既汲汲思去必不肯以地  
方爲己責而總兵等官亦各效尤苟免陰納款  
賂令虜弗踐己地嫁禍鄰封以僥倖目前之無  
事在燕鎮則賣宣大在宣大則賣陝西虜亦視  
其厚薄以爲向背故敢深入長驅而不忌我之

師律

卷之十六

田勇

三

乘其後者有以也。果慮周封疆，凡所推用，宜極一時之選。誠恐陞遷或驟，流履日淺，卽有忠誠體國之心，然于虜情虛實，與地方利害，不暇熟諳。故凡文武之臣，俱依以三年一考，未及兩考，卽賢弗陞，卽有失事弗罰。待其三年考滿，然後陞級。其立有邊功，則待以不次。凡陞官加級，俱就本地遷轉，弗得轉以別地，以遂其求去之計。如督撫總兵，歷任三年六年能者，當效其官，不能當死其職。又復一卒不練，一策莫施，致寇之



來。貽憂。君艾。此苟玩欺侮之臣。宜正其罰。如  
督撫歷邊九年。忠獻宣著。卽以入補冢宰之缺。  
或特命人閣。以示優報之意。此勸能核實之  
策也。

武科之弊

夫將材所須、本以戰陣、况於邊方、殺賊之外、豈有別事、近年倡爲儒將之說、以致武職不務本業、競爲浮誇、掇拾活套、陳言撫臺、以是爲薦揚、本兵因之而任用、墮國家神武之威、銷英雄慷慨之氣、爲害非淺、急須洗此頽風、還其本業、作之新之、如式怒蛙、寧粗直猛、暴之失勿從容、文雅之是、庶得跡弛之士、充廣鷹揚之任矣、且武舉所以選將材也、今退學生員、緣此以影避

差徭白丁快餘假名而希求進用豈有韓彭之  
良在此闢茸之內就此僥倖掛名便無可用之  
地邊方贊畫騷擾居多掛印登壇從來未見不  
若罷去間人止許武官應選仍分邊方腹裏如  
會試之南北卷更多其名數以廣賢科勿偏重  
浮詞以遺驍果夫然則既是見官即可推委亦  
自知重不可苟同將邊方腹裏均有所賴得人  
爲盛矣、

虛伍之弊

近日渝關內外多設新營應募者胡里莊之謂

夫軍伍不實尺籍徒存無與爲選又孰與爲練哉議者有謂實軍伍以召募者竊謂應募遊食之徒多別營亡命之卒易名冒餉旋補旋逃散則作姦聚則肆毒此必不可用者有謂實營伍以上著者乃名爲土著實係亡命卽今漢莊灤陽之遺害可鑒也此等有缺痛禁私補嚴責各官州縣精察民莊之鄉夫市里之任俠補之顧鄉夫任俠多不顧募要須歛以糧賞約以歸農

給以不役占。不勾補之執照。將必有樂應者。有謂實營伍以新軍者。夫勾補解發二軍。初到最宜安插。先須痛懲該管之見面書識之。常例同伍之入幫優以分營樂土。給以月糧妻糧。授以閒田世業。一年之後。方可選其壯者編操。次者工作。弱者就近擺堡。處之得所。方可免逃亾之患耳。迺若武官以軍逃爲市。最宜重。逃軍之罰。重冒糧隱糧之禁。重科索役占之罪。總惟督倡者重加之意。而虛伍之錮疾。其有瘳乎。若夫南

子言取之以善將，勿重之以疑，黷無事時與北軍一體更練，有警處與北軍分搭發調，暗結驍智者以安其心，密除最肆者以構其黨，有缺必重禁，隱匿不報，重禁通行再補，此處南兵以安營伍之大槩也。至所謂優邊者，夫邊卒之苦極矣，苛索等弊已略言之。上役諸困尤難枚悉，他如足屯額則扣月糧，備買馬則追朋合，撫窮夷則減哨糧，果難全免，并宜量優，迺若宣府極苦於領賣夷馬，大同極苦於補買倒馬，無非爲市

本計市本奏給別須計處計編無措懇請增  
給勿以累軍凡變賣夷馬只照時估一有倒死  
只追肉贖此積苦之量宜優恤者也。迺若修工  
務修其應守者痛省其可已者糧料務以時給  
散遇貴卽稍增折色無非痛念窮邊計加優恤  
之意夫軍伍實則士衆如林而選練可足邊卒  
優則士有生氣而選練可精勇銳之勢漸張敵  
愾之威自奮。

有練兵之練也無兵練不精猶不練練兵者其  
六之也至難言至尊惟寺弓矢爲長兵在  
此下又有槍盾詢斧鎚胸牌及鳥銃佛  
便機等一藥長技皆非虜所能及但諸器在習  
練之法其操教者卽以此率爲習固亦人所易  
曉近在京營操練每日平明以號頭舉放火砲  
二聲爲進操之期至所謂操者如羣兒登場但  
出一二慣習熟爛規格以爲般弄爲將者更不



知真相較閱日才辰初號砲再舉三聲間有一營將領尚營陣未畢比較未完卽所般弄者且方行未竟各營之軍輒已散漫羣囂徑出不顧求能使三軍手足利而耳目明真如臨陣交鋒景象有一人否一遇緩急事變非但不可賴亦不能集宜于京城東北曠郊令指揮以下將兵以居各立保伍給兵符爲信且守且練有事但命將統之又莫如調操宜選南北久經戰陣名將數員到京及在營將領并加挑選會同總協

巡視官將營軍選其驍壯籍其年貌付各取選將官每人一二千上下每一次以一二萬數折爲數枝聽其統到不拘邊腹去京三五百里內同彼兵備將官嚴加操練待有成功仍令更番回伍且因日限事因事立法務使一可當百隱屹千城以充復 祖宗廳兵譚馬之遺意此教演之不可不急求精實者也。

言弊七系處治未精

五敗括  
悉

攻戰之弊

夫所謂戰者非浪焉而迫之使角也。兵日以戰而挫，日以繼，此所謂沒世而不復振者。敗軍之氣也。夫易進易退，不量敵而前，一中敵而靡爛者，東南之兵也。難進易退，敵寡而前，敵多而縮匿者，西北之兵也。請先言西北之弊。今夫所謂將者，非必人見才而用之也。所謂統將者，非必帥者日參焉，率然而授之三千之卒，不習而責之戰，此以將敗也。三千之卒，不必盡精，武庫之

今日豎  
甲精器  
一索卽  
發而亦  
敗者將  
與卒不  
得其人  
耳

自後  
卷之一  
三  
朽甲雕戈界焉，使之養半菽而禦虜，虜馬驅若  
風，搏若電，我之馬若仆若偃，若蝟若蝸，匈奴之  
長技，十不得一矣。此以卒敗也。三千人爲方陣，  
四面守敵，虜爲大軍以擬我，而雜出其騎爲四  
面，而更迭攻之。虜分而我分之，則內亂。虜合而  
我合之，則不支。彼此不相援也。援則虜陣動，而  
賊乘我，故以萬人軍焉，而不收萬人用也。以三  
千人軍焉，而不收三千人用也。此以陣法敗也。  
退縮逗遛者，斬軍律也。然元帥不敢輕用之於

將而將不敢輕用之於卒其極至于鞭朴貫耳止矣前有死而後無死誰不後也將銳而以師損者誅懦而以師完者免損而無賄者誅損而有賄者免此以罰敗也將幸而掩敗以爲功者賞功微而賄巨者賞大臣有欲與恩者賞功大而無賄者不賞大臣有欲甘心者不賞此以賞賤也於乎若之何其兵之彊也漢武帝不愛天下之食邑府藏以待天下之有功者賞不踰時罰不信宿得其人則付之以數萬人聽其損而

不問恩者酬怨者報而不恤。是以投響而意得。事至而功隨聚也。其次則莫若楊素。素貴重臣也。昔出戰簡留者三百人。人畏敵多願留者。素悉取三百人斬之。更簡留人。人不願留矣。幕府上功簿。縑悉必錄。故將士畏素嚴而樂得其欲。其擊突厥也。爲騎陣以誘之。敵來奮擊而大勝。此玉敗者無一也。如楊素者。可以戰者也。

遊爲獲  
奸細之  
利多哉  
陷歸正  
之人是  
絕人還  
樂土之  
思矣弊  
不止此

### 招被虜之弊

前者虜賊入寇也，鴟張烏合，動稱一萬，率多具衣冠，而解語言，諳地利，而識虛實者，皆吾中國被虜之赤子也。一受彼之駕馭，皆爲我勁敵，驅之戰陣，如手足招撫之典，雖下而未見響應者，豈真以犬羊爲同類，沙漠爲樂土哉？乃彼誘之，利重而苦招致之道未盡善耳。蓋被虜之人，其歸中國也，出萬死一生之計，方得免于虎口，及入境之時，所在軍將視爲倖功攘利之具，旣

幸得殺戮之禍必重罹誅求之苦所有馬匹行李任意索取艱辛萬狀方得達于官司而研審推問動彌旬月上者僅抱窮愁爲溝渠之瘠下者已含冤抑喪亡矣是其附狄則有利而無害歸夏則害重而利微雖有懷土之思亦且首鼠狐疑如納陷穽而爲醜虜刻死以終身矣爲今之計莫若渙發 綸音不拘常格廣恩信寬文法嚴禁沿邊將士如虜中逃回之人守墩者卽引報該管地方官審其鄉貫來歷願歸者給文



而遣之歸免其差役倍加存卹不願歸者編之  
行伍給與月糧凡所帶來馬匹衣物等項盡數  
給與舊日之隱悉置勿問仍審其進邊日期及  
官無指勒以憑查究或有才識過人爲衆所信  
服能偕其黨歸順者計其衆寡以次犒賞如十  
人卽與小旗百人卽與百戶之類後日能立軍  
功一例陞用庶使故鄉之樂甚於殊俗中國之  
利浮於左衽則恩威所感歸服自衆是以戎狄  
之技攻戎狄矣

師律

卷之十六

明學

幸

今之獲下人者有隱恨焉而上者不思所以收拾之法彼指奸人因而  
用之甚可畏也

剋減之弊

馭軍之法，法以驅之於戰陳，恩以結之於平時。古之名將，如李牧在邊，日椎牛享士，士皆踴躍求戰。今沿邊之民，終年守障，辛苦萬狀，而上之人又百方誅求，雖有屯田，而子粒不得入其口。雖有月糧，而升斗不得入其家。雖有賞賜，而或不得給。雖有戰功，而或不得錄。今者又遭虜寇殘破，父子夫妻兄弟不相保，爲將者尚不知恤，又從而朘削之，其心安得而不離乎？故聞邊人

深苦有司之誅求、利虜中之佚樂者、其心如此、尚望其効死而趨戰乎、况遠近驚疑、人心搖動、非細故也、

合言此賊魁其兵者、害是為兵者、若命司之誅求、視此不冠、御言似有意外之虞、為兵者且勢困、賊以心於其北、是款其不、敗乃公、子何可也、

買閒之弊

夫民出粟布以養兵。兵資粟布以衛民。皆爲國也。乃者兵士受粟布於公門。而納月錢於私室。於是乎手不習攻伐擊刺之法。足不習坐作進退之宜。目不識旗幟之色。耳不聞金鼓之節。但見其或轉販貨財以爲商。或習學技藝以爲工。而工商之所得。僅足以補月錢之費。蓋民之膏血。皆變爲金銀。以惠奸宄。一日率以臨敵。如率牛羊以當虎狼。幾何其不敗哉。今宜痛革月錢。

之弊。作新操練之政。將帥有踵舊弊而不改者。誅之可也。怠新政而不務者。降之可也。士卒練習既久。拔其勇銳者。汰其老軟者。糧賞有厚薄。費用可節縮矣。

征宗設軍以戰守相沿以來不用軍而募兵又募兵不足恃而召內丁皆苟且一時之計而國與民兩何貧如之

### 逃亡之弊

今天下衛所原額軍士逃絕者多實在者少以逃絕者言則遠年丁盡或埋沒者歲歲清查既無根影近日病故或逃亡者年年勾解隨復逃回空累里甲造冊勞費貼解艱難或購買孤遺以作清出之戶丁或替娶貧婦以爲軍人之妻小甚者或因清軍而命斷於箠楚或因解軍而產破於盤費此民間清軍解軍極苦而無益者此也至以見在者言則在衛軍士差占者多操

備者少。至論操軍。又惟虛應故事。教場虛設。而金鼓不聞。或金鼓雖聞。而武藝不習。甚或得財賣放。掛名行伍。身不在營。故今養軍雖多。能戰無一。在邊遇敵。則嬰城固守。而坐視鄉民之被掠。在內有警。則奏聞後遣。而先累民壯之被傷。此民間空出力。以養軍。而又代軍死。甚可痛也。至論役占之弊。尤不忍言。且如漕運京糧。通論民間加耗脚米。及衛所船料等項之費。大畧費米三石。方一石至京。而軍士之勞不計焉。至運



邊儲勞費，又不止是。今每月糧米一石，一軍支給，而又加以馬匹草料，投跟勢要買鬪，止納銀三二錢耳。此以民間三四石米之費，而止爲勢要賣三二錢。天下若之何而不窮也。且在昔充軍之戶，或繇梁集歸附，未必皆是有罪，何今貧絕而不免清勾。在今充軍之人，悉是奸豪巨惡，未必皆是可矜，何不數年而節蒙赦宥。因茲輕重不均，人愈玩法。況今東南力薄之人，充軍西北，旣不得用，西北近邊之人，充軍東南，亦常逃

回。彼此無益。理宜通處。勅兵部會議選委。兩京能臣。分查各衛軍籍。見在若干。其在先丁盡戶絕。屢經清報兵部者。既免清勾。以除民擾。以後果有埋沒自首者。卽收本處。被人首實者。追解邊。其見在者。又分在衛住有家業者若干。逾年勾補若干。其勾補者。卽係不肯復役。緩急難倚之人。合無此等軍士。除在京。及在邊衛分。仍前勾補不動外。其在南京。并各處腹裏衛分者。悉改編原籍衛分。以免其逃。然後以今改編。并

在衛原有家業者。通筭各衛實在若干。其有缺伍。則另選軍餘舍餘。願報食糧。及犯罪例該充軍者。補充之。後再弗赦宥。其見年五十以上。該問充軍者。卽許子孫家人替當。軍士在逃二次三次者。悉依大明律科斷。其情重人犯。例該邊衛克軍者。望體 祖宗立法之嚴。責賣家產。全房遷發。使絕歸念。其或一時難賣。則令里甲鄉鄰。各依鄉例。認佃祖課。每歲除天荒。及代納糧稅外。其餘本處官司上納三年一次。亦如軍裝

類解該衛分給本軍以爲盤費。庶幾軍士在衛皆有上著。各畏法律。而逃者少矣。至於衛所管事之官。猶望併省勢。裏役占之弊。嚴加禁革。於是分委將較教習武藝。武藝既精。一可當十。而後教以圍營走陣之法。使知坐作進退之節。如此。則軍皆可用。而民出力養之不爲虛矣。

怯懦之弊

往者虜衆之入寇也，精強者厚積爲陣，老弱者分布搶擄，不過數十成群，三五爲隊，抱原隰，依水艸，以爲固耳。使吾中國之人，晝或設伏以襲之，夜或潛出以擊之，撥之理勢，必見奇功。況已嘗有明例，懸重賞以誘之矣。然而怯懦猶昔，勇氣不振者，或鼓舞之術，猶未盡故也。蓋戎狄素負勇悍之名，其恐嚇于吾民，非一日矣。至以一人而驅吾數十人，不延頸以待戮，則影隨而北。

向者積威之所劫也。及其再入也，民之耳目頗玩，虜之情狀亦知，故或伏林麗而斬其首級，或乘深夜而取其馬匹，是以利之所在，故輕生以避之耳。而不才官吏欲攘之以報功，藉之以規利，審責不休，刑罰備至，或減其價值，或罪其隱瞞，名曰首官給賞，其實扼拊而奪之也。夫履危機，冒白刃，本以爲利己之計，反以滋剝膚之災，其誰敢爲之哉。今除官兵勦逐外，莫若使若處鄉民之有膽畧謀勇者，自相團結，勿拘衆寡，如

十人則推一人爲小甲。五十人則推一人爲總甲。百人則推一人爲保正之類。有司止許記名造冊備炤。不必時常查點。妨其生業。賊至之時。使得便宜相機審勢。除得首級。仍炤近日題准事例賞給外。但有所得馬匹牛羊衣服銀兩之屬。不拘多少。盡數犒賞。不必官爲變賣。縱有隱瞞。亦不許追求禁治。違者坐贓問罪。務使利重於其害。得償其所失。而且共保身家。孰不各保性命。乘機構會。奪勇爭先哉。今夫奔走天下

之人者利而已矣。故探珠者入重淵，不避蛇龍。採玉者入深山，不辭虎豹。非有所驅迫也。視利爲重，則視身爲輕耳。如是則人自爲戰，家自爲備矣。豈能長驅而入，整旅而歸，如蹈無人之境也。



## 官軍戶之弊

官軍戶者古無是稱也。蓋自後世始。武階之家。嫡嗣職孽受庇。于是稱官戶。兵設之家。一補伍。餘供裝。于是稱軍戶。夫古者兵民之合也。謂有事荷戈則爲兵。無事秉耜則爲民。兼用以爲省也。後世兵民之分也。謂兵出力以衛民。民出資以養兵。相濟以爲便也。夫相濟兵民之分也。而其本未嘗不一也。自兵視之。則委身于國。而籍養于家。自民視之。則家役一人。而齎送之。迨後

師律

卷之十六

刑典

三

官軍戶者出則法制始不一。繇輸始不均。不惟失古封建井田之遺。而并秦人所以罷侯置守分土不分民之意乖矣。揆厥所繇。蓋自置衛始也。非自置衛始也。置衛而不遑慮其後始也。蓋置衛所以衛夫民也。衛必資兵。于是有旗甲有伍隊。有司營羣萬千百人而恒役之。是曰軍。兵必隸帥。于是有百夫長千夫長萬夫長。聯萬千百人而恒主之。是曰軍官。軍有子以補伍。餘子歸之州縣。以待伍缺有所清也。官有子以嗣職。

餘子亦歸之州縣以待職缺有所嗣也。補伍嗣職者，役其身而合之于衛所，待清待嗣者，責之供而統之以州縣，所謂其本一也。今拔軍于州縣矣，補伍以其子矣，而餘子不歸之州縣曰軍戶。州縣之繇罔繇也，累階于伍矣。嗣職以其子矣，而餘子不歸之州縣曰官戶。州縣之繇罔繇也，一軍役伍而俟其補者，五六十人焉。一官嗣職而俟其嗣者，百餘人焉。議官戶之罔繇也，則曰國家以酬功，議軍戶之罔繇也，則曰軍不

與民同繇是民繇莫共而衛所無民之繇百出  
于軍之身矣夫授田而責之耕曰屯田以授民  
可也授軍餘亦可也今授軍餘而督課收受必  
以衛所官藉之以營其家者人人也不得已而  
有所鳴曰訟以赴于監司可也州縣吏亦可  
也今赴訟者必于衛所官籍之以逞其私者人  
人也古謂屯田卽役兵也故可統之將較今以  
役伍外之丁而必曰將較非古法矣律曰約會  
謂民與軍訟也故可質之衛所官今軍餘自相

訟而必曰衛所官非律意矣。甚至民憤軍戶之罔役也。遞運夫役之類。必與之較。曰軍民各半也。縣吏憤衛所官之營家逞私也。則供應廩餼之類。必與之較。曰州縣衛所各半也。夫衛以衛其民也。其軍之勇悍者。當爲騎兵。以出戰。無戰則日習其技擊。老稚不任者。當爲步兵。以城守無警。則日修其陴隄。伍缺而取之。州縣清解補伍者。州縣吏責也。旣補則授之約束。訓練簡閱者。衛所官責也。衛所官不思其訓練簡閱之道。

而慳恠于簿書期會之間。諸軍不習其技擊城守之方。而困斃于鞭朴奔走之下。百戶長百人。罔百人敵。千戶長千人。罔千人敵。指揮長萬人。罔萬人敵。而日計其何以督課。何以剖折。以求管家。選私于屯田訟獄之間。旗甲罔旗甲實。伍隊罔伍隊實。司管罔司管實。而日計其何以輸作。何以賂賄。以求免戾于屯田訟獄之間。安望其將良而兵精也。凡此者。軍戶之弊也。國家之酬功也。章之以物采。優之以祿給。申之以世

胤厚矣、而必曰其子姓咸復焉、則前代未聞也、夫古之戍邊也、丞相子皆在遣中、其曰世世無與者、褒佐命元功也、品官封君則有給親丁占佃戶崇卑內外有差矣、今不問其功之重輕、階之崇卑、子姓之賢不肖、貧富衆寡、悉舉而復之、非古也、國家之置武階也、百戶以三級、千戶以五級、指揮以七八九級、非佐命元功也、而世世無與、以比元功不可也、國家制世祿也、百戶歲不過二三金、千戶歲不過四五金、指揮歲

不過五六金，非古諸侯比，而世世無與，以比古諸侯不可也。國家之酬戰士也，一級畀四金，二級畀八金，三級畀十二金止矣。今以三級得百戶，不三世優數十人，以至十百千世，是無殺敵之勲而坐費守功之賞也。國家之厲武功也，重傷者給其養，死事者字其孤，以鼓勇責報也。今已畀之官而復復其所出，以至十百千世，是無重傷死事之慘而亂鼓勇責報之典也。官戶之富者，官之貧者之子孫也，不重其禁而縱



必如此  
則官戶

之貪，又賞其貪，而復之。復既非所以昭德而塞  
違，其子姓之蒙復者，始而朞功，降而總，再降而  
路人矣。挾擾占之私，逞蠶食之計，抑勒其族，以  
取益，往往有之。又非所以崇讓而敦薄也。宗人  
之爵，自親王之子，咸有遞降，而顧于武臣  
之後，不爲之規。軍官之祿，往往以不恪之故，卽  
于其躬有所褫奪，而顧于其子姓，不爲之靳。非  
所以一政體也。凡此者，官戶之弊也。欲軍戶之  
弊除，則軍餘必歸之州縣。欲官戶之弊除，則官

軍戶始  
爲成法

餘必置之差繇。軍有理裝，則歸州縣者輸之可也。捐數丁專之輸，如儒生吏胥之供亦可也。官有優占，則限以一世二世可也。捐十餘丁專之，復如封君戶之給亦可也。故曰法不立不行，行不變不繼。或曰：國初置衛也，胡不歸餘于州縣？曰：始也，但恤其無兵繼也，但恤其無繼夫婦二人，三世成族。國初未之及，思也。今州縣民藉固，有拔丁爲軍，世輸之裝，而繇民繇如故者，謂非國初之制乎？國初置武階也，胡不計

其給復曰始也。但旌其武功繼也。復藉其死力數世之下世系踈遠。國初未之及思也。今隔省調衛軍官固有身任征戰而原籍族屬繇民繇如故者。謂非國初之制乎。合兵民以一其本。稽丁甲以齊其繇。是在與權者也。

軍及三戶同籍明太祖豈不念及後日生齒之繁乎其所以不歸軍繇於他籍者蓋預深慮也。此說以東可。

守陵之弊

漢首嬰  
奴過甚  
慘甚倍  
熱減郵

夫昌平一鎮南護京城北護陵寢地勢最近  
關係最重零丁疲弱之卒荒涼瘡痍之民雖百  
計以綏之尚恐一旦有變民不可與守兵不可  
與戰迺以最可節省之往來迎送重困疲之大  
可恨也夫京師德勝門外詣陵紅門路號九  
十里可往回官府從容輿馬晨發而午且至况  
各衙門官員往者各可自備輿夫自備馬匹而  
不必於中路更換者也糧料燈籠自帶無勞供

億僕從傘扇自隨何用兵導迺清明霜降二祭暨上陵文武衙門卽雖未行牌至州該州定於中路換馬驛卒索錢貼夫或候宿於州城或餽送於陵上或跪迎於道途管軍各官馬兵前道張皇答應不勝苦楚勞頓饑疲不忍見聞在京官原無一毫之益而在該鎮實受萬分之困此最宜痛禁節省以休息該鎮者也宜兵部咨劄各衙門除壽宮在工兵工二部堂屬等官同監視大臣科道督工內臣原係兵工二部自

行協濟暫減半應付外其春祭秋祭一應上  
陵大臣內臣文武等官凡往回夫馬供億器物  
一一俱令自帶毫與昌鎮無得干擾仍行令該  
州及駐劄本鎮文武衙門前項趨承迎送通行  
禁革倘恭遇 聖駕幸謁例該防護接送仍須  
撫按量行協濟其隨 駕內臣京官一例痛懲  
干擾並該鎮趨承凡有違者並令順天巡按與  
科道官訪劾一體究治若然則兵之疲弱得息  
肩之幸民之瘡痍有安枕之期繇是而兵可選

練民可完聚、萬有警急、可戒不虞、陵寢之環  
衛足壯、而京師之背永安矣

鹽徒之弊

肩挑背負而沿街貨賣者，私鹽也。又有坐船紅船水夫及各處船戶，到于杭州攬載。欽差內外官及各處經過官員行李在船，昏夜收買私鹽，藏在船內，經過關津，不敢盤問，隨其所往地貨賣，此皆所得不多，爲害亦小。若嚴加巡察，則不敢爲矣。惟有一種遊手無籍之徒，不務本等生理，十五爲羣，乘駕小船，出沒江上，多置篙楫，滿載私鹽，沿江上下賣與往來客商，閒雜人等。



亦有不肯買者，卽將私鹽一包，丟入船內，口稱巡捕，恐嚇取財，得財卽去。其私鹽賣盡，浮游江中，遇有客船，遭風着淺，不能行動，窺見船中人少，孤舟無侶，卽便擁衆上船，肆行搶掠。舟人見其勢兇，力不能敵，任其所取，不敢與抗。抗則必被傷害，掠得財物，回船。衆手舉棹，運船卽行。江面濶遠，頃刻之間，不知行往何處。失其所在，無處跟尋。惟有呼天痛哭而已。又有船行，遇晚未及止宿，或船行太蚤，天色未明，亦與遭風着淺。

者同皆被劫奪此等鹽徒肆無忌憚積習成風  
恐生他變若唐末之王仙芝黃巢元末之張士  
誠皆鹽徒也不可不早爲之所乞 勅巡鹽御  
史選差府衛佐貳官各一員帶領巡捕軍餘及  
應捕人等巡江爲名沿江上下往來巡察上至  
桐江下至曹娥及江之兩岸小港亦皆遍歷務  
使鹽徒盡散官鹽疏通而 國家常獲其利矣